

Una bella die

A Rebeccu, biviada Bachiseddu e Pasca, duos isposos chi aiana dezisu de faghene sa omo issoro in custa bella iddizzola , cun sas istradas de pedras e sas domas bassas, non meda attesu dae Bonorva.

Bachiseddu, unu pastore giovanu e Pasca una mastra de vellutu e gabbanos.

Bachiseddu lassada pastorigare sas berbeghes in mesu a sas mattas de crecu e a sas mattas de cheressia bene imboligadasa, si nono sas berbeghes (forzisi prus sos molentes) famigososo comente suni, tottu iscorzadas... poberas mattas!

A Rebeccu, Bachiseddu iscurtiada onzi die su entu forte de maestrale e sas campanas allegrittas de Santa Giulia, sa cresiedda de Rebeccu. Sas campanas poniana bonumore a Bachiseddu semper penzamentosu. In ierru proiada meda e su frittu fudi a segare a fittas, e sas berbeghes a bellu a bellu si suni tottu immalaidadasa. Su pastore, cun su coro afflittu, andiada a criccare azzudu a Sant'Andria Priu a chistionare a sa Jana in cricca de cunfortu. Ma, nudda! Tando, Jubanne, fradile de Bachiseddu, est audau a preguntare una saccaja a tottus sos pastores de sa zona. Cando su sole, est calau in su cucuru de Rebeccu, Bachiseddu aiat giai una mandra prena de saccajas. Su mundu, como po Bachiseddu est torrau a bogare lughe in domo sua, una lughe de ringraziamentu e bellesa in tottu su cicondariu. Sa paradura, po Bachiseddu e sos atteros pastores de su logu est istada sa naschida de unu momentu de azzudu po tottus.

Da e tando, a Rebeccu sas mattas de cheressia an atidu meda meda.





